

Agalelei i le TOLAUAPIGA

Saunia e Jordan Monson Wright

(E faavae i se tala moni)

O lenei tala sa tupu i le ISA.

Sa milimili ma le popole e Kat lona lima faapipi'i o ave atu e Tinā le la taavale i le auala palapala. "Tinā, ua ou fefe!"

Sa tuuina atu e tina ia te ia se ataata mālu.

"O lea ou te iloa. Ae ou te manatu o le a e fiafia i le tolauapiga i le taumafanafana, la'u pele. Mafaufau i tamaiti fou uma o le a e feiloai i ai."

E leai se tala a Kat, ae i totonu sa ia mafaufau ai, O le mea lena lea ou te fefe ai.

E lei umi ae la taunu i le tolauapiga o le aso.

Sa o atu Tinā ma Kat e talanoa i lana faufautua o le tolauapiga, o Brian. "O Kat sa tipi lona lima a o pepe," o le tala lea a Tinā ia te ia. "E le aafia ai lana taalo, ae o nisi taimi e faigata ai ona ia feiloai i ni tagata fou."

"Aua e te popole, Kat," o le tala lea a Brian.

"Ua matou fiafia uma lava ua e i ai iinei."

Sa fiafia Kat e feiloai i tamaiti o lana vaega. Sa latou faaigoaina i latou lava o Purple Tigers. Sa latou o i se savaliga sopo, ai sisi ma masi, ma faia ni tuuga savali. O Kat o se tasi o tagata e sili ona saoasaoa i le vaega.

I le faaiuga o le aso, na faasilasila mai ai e Brian o le a latou tauva ma se isi vaega i se tuuga taga. Sa faamoemoe Kat o le a manumalo le Purple Tigers!

Ina ua oo i lona taimi, sa toso mai e Kat le taga i ona tulivae ma amata ona oso. Ae sa faigata ona sii i luga le taga i le lima e tasi, ma sa lāvea ma sulu o ia i luga o le ie mamafa. Na pau Kat ma taavale i luga o le mutia. E oo ane i le taimi na toe tu ai i luga, ua maea le tuuga a le isi au. Sa faaina le au a Kat.

O lena po i le taumafataga o le afiafi, sa ta'u atu ai e Kat i ona matua e uiga i le faaletonu i le tuuga taga. "Ou te le toe fia foi i le tolauapiga," o lana tala lea. "Na faaina le 'au ona o d'u. Latou te le mananao ou te toe foi mai."

"Ou te faamalie atu, si d'u pele. Sa opo e Tina ia Kat. "Ou te mautinoa o loo alolofa pea au uo fou ia te oe. Ma e te iloa pe o ai o le a alofa pea ia te oe e tusa lava po o le a?"



Sa iloa lelei
e Kat le lagona
o le ese mai i isi.



E na o le faaSipaniolo lava e tautala ai Rodrigo, o lea o loo matou taumafai ai e sue se faufautua e tautatala faaSipaniolo e fesoasoani ia te ia."

Sa aoaoina e Kat le faaSipaniolo i lana aoga, ae sa na o sina mea itiiti lava na ia iloaina. Sa fefe tele o ia e taumafai e talanoa ia Rodrigo.

Ona ia tilotilo atu lea ia te ia. Na foliga fefe foi o ia. Ai se faigata o le lē tautala i le gagana e tasi e pei o isi tamaiti, sa ia mafaufau ai. Sa ia iloaina le lagona o le ese mai i isi.

Na manatua e Kat le auala na faafeiloaia ai o ia e ana uo fou uma i le vaega. O le latou faatinoga sa ia lagonaina ai le alofagia, e pei lava ona alofagia e Iesu. Sa manao foi o ia e fai lena mea mo Rodrigo.

Na manatua e Kat le auala e fai atu ai "talofa" i le faaSipaniolo. O lea na ia manava loloto ai ma savali atu ia Rodrigo. "Hola," na ia fai atu ai ma se ataata.

Sa alu ese atu foliga popole o Rodrigo, ma sa toe ataata mai o ia. Sa faaloaloa atu e Kat lona lima faapipi'i.

"¿Amigos?" na ia fesili atu ai. Uo?

Sa faateleina le ataata a Rodrigo. Sa ia uuina lona lima ma lulu. "Amigos." ●



ATA NA TUSIA E FLAVIA DRAGO